



Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 60. Civitas Leonina.

[urn:nbn:de:hbz:466:1-66103](#)

Sæculum IX.
A. C. 852.

ret. Quinto, prædestinationem reprobo-
rum ad interitum æque irrevocabilem esse
ac Deus immutabilis esset. Sexto, Deum
& Sanctos de interitu reproborum lata-
ri. Tandem Amoloni minime probaba-
tur, quod Gotteschalcus Episcopus sibi
adversantes conviciis insectaretur, Ha-
reticos vocaret & Rabanistas, in con-
temptum Rabani, doctissimi & summe
venerabilis Episcopi. Hortatur, ut re-
ligiosæ humilitatis memor Auctoritatⁱ
Episcoporum se submitteret, & sic in si-
num Ecclesiæ redire posset. Hæc Amo-
lonis Epistola anno octingentesimo quin-
quagesimo secundo data creditur.

Mang. diff.
e. 22.

p. 179.

Ex ista Epistola dispicitur, Gotteschal-
cum non semper ea moderatione usum
fuisse, quæ ex ejus Confessionibus Fidei
apparet, atque ex suo principio de præ-
destinatione reproborum consequentia
pessime sonantia eruisse; quippe omnes
dictæ Propositiones ab Amolone notatae
inde sequuntur. Huic etiam Epistole
conjunctionem est fragmentum alterius,
quæ Amolonis ad Hincmarum esse cre-
ditur, & in qua de Prædestinatione, de
Gratia, & Libero Arbitrio secundum S.
Augustini principia agit.

§. LX.

Civitas Leonina.

Anast.

Hoc anno 852. Pontificatus sui sexto
Leo

Leo IV. novam Civitatem, quam ^{Sæculum IX.} circum Ecclesiam S. Petri ædificabat, ab- ^{A. C. 852.}
 solvit, & solemini ritu vigesima septima Junii dedicatam de suo nomine Leoninam appellavit. Congregatis multis Episcopis & omnibus Clericis Romanis Litaniæ, Psalterium, Hymni, Cantica decentata, cuncti nudis pedibus, aspersis capiti cineribus mœnia circuierunt, Papa aquam ab Episcopis Cardinalibus benedici jussit, qua muros in transitu lustrabant. Ipse tres Orationes ad singulas novæ urbis portas pronunciavit. Misera deinde in Ecclesia S. Petri celebrata, cuncto populo, Romanis pariter ac peregrinis plurima dona aurum, argentum, pannos holofericos, munifice distribuit, sicque dies illa summis infirmisque jucundissima Romæ exacta.

Interim Papa ad communiendam etiam adversus incursionses inimicorum Civitatem Portuensem animum adjecebat, cum ei magnus occurrit Corsorum numerus, quibus ob metum Saracenorum e patria profugis nullibi sedes stabilis erat. Hi postquam suas ærumnas Pontifici exposuissent, promiserunt, se suosque nepotes Papæ fideliter servitulos, si reciperentur. Ille advenis civitatem Portuensem bene munitam, vineas, prata, fundos culturæ idoneos, bo-

L1 4 ves,

Sæculum IX. ves, equos, pecora obtulit, si cum uxori
A. C. 852. ribus & liberis ibi sedem figerent. Tum
Corsis conditiones acceptantibus Papa
iisdem Præceptum, id est, Decretum do-
nationis, Lothario & Ludovico Impera-
toribus consentientibus, dedit. Fundi
ipsi concessi ad Ecclesiam, ad Mona-
steria, ad diversos privatos
pertinebant. (*)



(*) Der siebente Theil der deutschen Ueber-
setzung kommt lang nicht zum Vorschein. Der
Krieg soll daran schuldig seyn ; vielleicht ist aber
eine andere Ursach da. Ja wenn er ferner die-
se Arbeit gar unterliefe, würde er seiner Kirche und
Glaubensbrüdern einen ausnehmenden Dienst
erweisen. Denn es ist einmal etwas seltsam,
dass sich ein aufrichtiger Protestant habe können
zu Sinn kommen lassen, die Kirchengeschichte ei-
nes Römischkatholischen Schriftstellers zu übersetzen,
welcher das Lehrgebäu in der Religion auf
den unumstößlichen Satz gründet, dass alle dieje-
nigen Gemeinden, die sich iemal von der Römi-
schen Kirche getrennet, irrglaubig seyen. Fleury
in der Vorrede.

HISTO.